

# Zimhlabe umxhwele uNgqongqoshe izikhungo zezempilo zeSifunda i-Harry Gwala

MELBA NZIMANDE

Ngomhla ziye-15 kuya ziye-16 kuNcwaba wezi-2017, amalungu esiShayamthetho, uhulumeni nabasebenzi bakamasipala bahambe izibhedlela zaseSifundeni i-Harry Gwala.

UNgqongqoshe Wezokuhlaliswa Kwabantu kanye Nemisebenzi Yomphakathi, uMnu. Ravi Pillay naye ubehambisana naleli thimba elibhekele uHlelo lokusebenza kwezibhedlela beyohlola osekwenziwe emva kokuba begcine ukuzihambela ngonyaka wezi- 2014.

Leli thimba livakashela isibhedlela i-Christ the King, umtholampilo iKwa-Mashumi Clinic kanye ne-St Appollinaris Hospital. Inhlosongqangi yalolu hlelo bekungukuhlola ukusebenza jikelele kwezibhedlela nemitholampilo kanye nezinsalelo ezikhona ezingakhinyabeza ukusebenza kwazo ngempumelelo.

Lolu hlelo belubhekele ikakhulukazi lokhu okulandelayo, ukuqashwa kwabasebenzi, ukubakhona kanye nesimo sezinsizakusebenza zasezibhedlela, ingqalasizinda yasesibhedlela kanye nokunakekelwa kwayo, ukubakhona kwezinsiza zosizo oluphuthumayo kanye



UNgqongqoshe u-Pillay ebingelela iziguli ngenkathi ehlola isibhedlela i-St Appollinaris Hospital.  
Izithombe: **SIBONGILE DLANGALALA**

nokulawulwa kwemfucuzo yasezibhedlela.

Lolu hlelo luyingxeny yomsebenzi ojutshwelwe iShayamthetho ukuba kuke kumanjwe kuyohlolwa

okuqhubekayo ezikhungweni zikahulumeni.

Nakuba-ke bezikhona izinsalelo kwezinye izikhungo zezempilo esingabala nje ukuba kuncane kwendawo, ukungabibikho kwemali

kanye nokushoda kodokotela, ithimba liye lahlabele umxhwele ngesimo salezi zikhungo elalizihambele.

Ithimba lizincome kakhulu lezi zibhedlela ngokuhlazeka kwazo

kanjalo nokwenza umsebenzi oncomekayo.

Lube yimpumelelo enkulu lolu hambo lokuya kulezi zikhungo zezempilo ngoba izikhungo ngazinye zikwazile ukuba zilungise lapho ezazibonakele zinokukhinyabezeka khona, zikwazile nokuqhamuka nezixazululo maqondana nengqalasizinda kanye nabasebenzi ngokunjalo nokulwa nezifo ezidlangile futhi okunikeza ithimba ukuthi zizophumelela ukukwenza lokhu.

IsiFundazwe saKwaZulu-Natali sizoqhubeka nalezi zinhlelo zalolu hlobo, okuyingxeny yokubusa okuhle, ukuze kuqinisekise ukuthi bonke abantu bahlinzekwa ngosizo lwezempilo olusezingeni eliphezulu nelifanelekile.

Abasebenzi kanye nabaphathi balezi zikhungo zezempilo kumele bathulelwe isigqoko ngomsebenzi wabo omangalisayo wokwengamela kanye nokuthuthukisa ezempilo esifundazweni.